



830474

變雅堂詩集目錄卷五

五七言絕句詩

齊宣王墓

鄒方魯閣上同子桓

芙蓉舟中偶成

魯仲連

張子房

嚴子陵

郭林宗

諸葛孔明 二首

祖士稚

陶淵明

張巡 二首

司馬君實

周茂叔

蘇子瞻

變雅堂詩集目錄卷五

一

文文山

泰州絕句

移寓自嘲

乙巳臘盡還南寓戲爲口號 三首

酌天章

梅下

爲斯上人題帳 五首

王嬙故里 四首

燕丹故里 二首

樓桑


竹枝辭 十八首

寄弟晉公

閔友談水東之勝

登樓戲東阮仙

送阮仙於燕子磯而別



和阮仙韻

同舟周天行出便面索詩用前韻

于子秬納姬前三日戲爲催妝四首

花燭辭四首

醉中口號二首

兒子醉盤其母求百餘文爲餅餌之費不能應懟
而自行稱貸爲之余飽食不慚而已

聽韓生說武宗平話 侯園觀家樂童子乞詩

夕陽 題王阮亭治春詞後

莒州

變雅堂詩集目錄卷五

二

聽酉陽土司楊卿正經琴詩七首

題鄭首厓先生漁舟圖率成四絕並志感贈四首

今夜

梅花

乙巳八月十六夜

題朱林修塵外樓圖

贈妻弟王雪洲太史

龔宗伯座中贈優人扮虞姬絕句

秦郵旅夜李鏡月閔賓連載酒

寶應阻風

再客戲東鈍人

淮陰送別徐松之

宜陵別蔣前民

送龔孝升至燕子磯 今年貧口號

親家故人子汪菡厥至以葉水心集質錢飯之
絕糧之日家人胥讒而幼女慧黠獨無一語

尚有錫茶瓶大小十枚家人悉以換麥

差役紛然惴惴恐及而總甲牛姓者獨過門不入
或詰之牛君曰此家既無五尺之童終日見他
着兒子上街賣書賣家伙度日且聞其人不曾
生發只曉得看看書尋他作業我是以不往
有持五百文請予文者自矜曰我爐黃錢也余笑

變雅堂詩集目錄卷五

三

之因記昔年楊龍友請予爲作其季子傳肅衣
冠以五十金潤筆而茅止生求索觀予文猶嗤
曰龍友小樣不知文章痛癢以今論之知痛癢
者莫如持五百文者矣何則當厄故

元亮先生歸來屢空而杜子當飢熱無告時猶不
免厚顏噫

無所不典矣僅絺帳飄蕭有離別可憐之色吾何
計留之哉

離念問旭二詩僧攜杖頭過草堂云欲觀先生一

飽

施愚山自山左以一繭貽余前後兩書一詩極贊其妙且囑余製一袍余自入手啟封卽付質庫今夏徑從質庫轉付債主矣蓋未及再見也鄰友入幕驟富因嘆吾紀伯紫以百倍之才十年之工而不如也僕之窮宜哉

以書干鄧太史爲覓一館穀地太史覽書畢笑曰有此大饅首無此大蒸格噫事不諧矣

聞知已龔先生丁內艱南歸有日矣乃復不果鳴

變雅堂詩集目錄卷五

四

呼我則使然與

柴門

客有誦孝升飲菊谿紫苔軒歌中句云于皇詩是飛仙人海月江烟供咳唾予嘆息不已

朝不食夕不食此何時也或過而有所爭論不知余尙不辨東西南北遑知所謂壇玷者哉笑而謝之

中元祭先慈竭奔走之力才得蔬核四器而已自傷無狀至此猶吾大夫崔子也

烟爨不興王杲青貽嶺南黃熟香胡靜夫貽六安

梅花片皆絕品也又先是紀伯紫貽湖毫一管
身在三物間強坐繙書不覺失笑
濟叔濟余一金而索一金之逋者至

逢胡元韻談次書感 奉懷孝升

中秋日一粥閉門睡矣忽聞呼門聲乃柳叟敬亭
走力送酒并青蚨一千想外格外感而有紀

中秋明日几上再見敬亭來札封函下方有八字
云來人受賞我就天誅始悟昨者平頭逃去之
故不覺與客大笑又成一絕

變雅堂詩集目錄卷五

五

姜真源自江右陞任山左冀得過秣陵則一救也
而不至因憶向與真源論張太岳相業真源以
經世許余今何如哉

變雅堂詩集卷五

黃岡杜濬于皇著 同邑後學劉維楨重校梓

五七言絕句詩

齊宣王墓

與桓公墓相連

君王為阱地片石草中閒欲問桓公事相過咫尺間

鄒方魯閣上同子秬

修竹復流水柴關開此間春來花霧重無處認青山

葵湄舟中偶成

一雨連三月開帆趁晚晴春風吹岸草未遠石頭城

變雅堂詩集卷五

魯仲連

覽金子村居懷古作遠想慨然各繫五字十二溢至十四止

歷覽千載事魯連最不平但洩路旁憤何知世上名

張子房

譬如一盤棋扶劉報韓敗一着在棋先始終在局外

嚴子陵

漢亡復漢興眼看泡起滅子陵默有悟懶傲兩非屑

郭林宗

林宗如芝蘭又不當門戶所以惟馨香隨風馥終古

諸葛孔明 二首

孔明匪不勝所不勝者天當時對壘者誰知非晉宜
此人才絕倫復爾好心事天且如之何惟有一死字
祖士稚

胡雛非腐儒又復非名士此間對局人獨有祖家子

陶淵明

淵明純醒人生平未嘗醉悠然見南山佯狂有醉意

張巡二首

一死動天下睢陽與常山唐室再造功吾必曰張顏
觀士觀其敗觀玉觀其碎玉碎必有光士敗必有氣

變雅堂詩集卷五

二

司馬君實

君實可與立而未可與權求士三代下如君豈非賢

周茂叔

回死無好學賴有周茂叔其學如畫蛇所畫獨非足

蘇子瞻龔端毅每誦此詩以爲
二十字說盡東坡一生

堂堂復堂堂子瞻出峩肩幼讀范滂傳晚和淵明詩

文文山懷古
止此

文山欲成事死事非其欲所以柴市前一任炎午哭

泰州絕句

窮海三秋盡扁舟百里行夕陽無近色偏照遠帆明
移寓自嘲

十日如新婦不曾逾戶限惟有庭前花來時才一見
乙巳臘盡還南寓戲爲口號三首

淮水凍仍綠鍾山燒更青一椽來復去只似短長亭
妻孥誤見嗔我信如潮汐出門必上元還家必除夕
僅有相如壁何堪壁復傾築牆纔數仞怨似築長城

酌天章

我有雙尊酒將來飲故人偶然鮭菜缺厭說客中貧

梅下

獨坐歐梅亭步繞歐梅址不見歐梅花且拾歐梅子

爲斯上人題帳

誰識山僧意繩牀繪牡丹分明將富貴只作夢中看

王嬙故里

亦復當時戚里親花枝偏老惱作漢宮春莫仇延壽仇

婁敬渠是和戎作偏人

武皇遺策服單于願僭何心擇彼姝猶自浪拋傾國去
前人佞例後人愚

掖庭入後衆人同下嫁休嗟妾命窮正恐傷心無一事
蛾眉空老漢宮中

毛生漫負丹青責炎季空淪禍水波若寫趙家雙姊妹
畫師功已敵蕭何

燕丹故里

節俠田荆古罕儔於期心膽亦風流從來利鈍人無罪
惟有燕丹與武侯
修降肉袒竟何成昏德重昏恨不平亡國亦須留榜樣
燕丹死後有田橫

變雅堂詩集卷五

四

樓桑

生兒大耳亦英雄青蓋亭亭一樹風卻怪他年成底事
樓桑不在地圖中

竹枝辭

余客京師八十日棘闈以前既匆匆無暇晷榜
後報罷益用慨然懷刺騎始非吾事反鑱衡門
守環堵時多耳惟一二知舊顧者答之招者赴
之時則一出就吾身之所至目之所觸戲成俚
語如干私用破涕爲笑舉一漏百吾知不免大
概不能言其所不知又其大者臣未敢言也

日出天街十丈紅長安塵似不關風呵藤騎馬紛如織
大抵榮華若夢中

生兒好反作長班只愛奔忙不愛閒昨日本官初罷相
勸他須早出張灣

一樣百班百樣形一面前後有零丁強如黑虎生成翼
弱似烏鴉剪卻翎

誰家少婦一身新着錦穿紅嫁比鄰女件不須相健羨
早間初是未亡人

死卻村郎就好婚有緣嫁得四衙門高燒銀蠟從君看
脂粉能遮假哭痕

馬上誰家白面郎如何衣錦不還鄉點金扇底烏紗帽

變雅堂詩集卷五

五

歸去聽人講報章

時傳瀨水一錦衣不識朝報特
延一西席講解此蓋紀實事

蜜棗銀桃此地兼來禽青李遍窮檐可憐客子經年苦
不及蘋婆四季甜

來驢去馬日紛紛畫罩颺颺看不分莫恠女郎單着袴
男兒臉上占伊裊

輕姿道不及蘇州試看織織襪一鉤但勝吳姬雙赤腳
不妨湊別美人頭

茅簷灰壁挂琵琶皮袴高盤炕上搗卻說客來休見恠
竟無新蒜點香茶

紫花衣服着來多打扮了鬢付賣婆急向街頭呼太太
快回鍋上烙波波

廟市多逢朔望期朝回官每步檐嬉明珠好媚權門妾
可惜爺來問的遲

骨董珠璣擺作林酬錢索價費沉吟繇來貴物惟司馬
一顆頭願五百金

時蜀中司馬典刑其
家以五百金買頭去

青紅五色舊衣裳唱價聲高老弋陽客子忍寒無不可
十分難忍這般腔

出巾入帽上無天畫諾官人一分錢久矣皇朝頌正朔

變雅堂詩集卷五

六

不應猶是紹興年

老店馳名劉鶴家三錢買得好烏紗昨來誤恠稱呼別

乞丐相逢總喚爺

此地坡陀見亦難煤堆灰埵畫漫漫馬頭一點西山色

那箇官人冷眼看

客舍東鄰卽象房不曾看象不因忙異時閭巷兒談象

肯信余曾到帝鄉

寄弟晉公

江干別弟尙殘春各逐秋風慰老親今日楚天空憶我

半成學究半山人

閔友談水東之勝

魚愛深池鳥愛叢君談句句合幽踪憑將骨與青山誓
老號詩人杜水東

登樓戲東阮仙

春宵好月照新泥客子貪歡欲去遲昨夜登樓真有作
云云非復仲宣知

送阮仙於燕子磯而別

送君直欲過黃河燕子磯邊別恨多一揖茫茫無限意

變雅堂詩集卷五

七

回頭春樹與江波

和阮仙韻

長年住槳避風頭芳草如江欲並流戀友思家今夜醉
夢魂分上往還舟

同舟周天行出便面索詩用前韻

燕子磯頭恠石頭纔添風雨接江流高談燭跋聊須歇
恐惹蛟龍遶客舟

于子秬納姬前三日戲爲催粧

春暮桃花處處開聞郎消息愛郎才香車何必晴方駕

神女原從雨裏來

新從吳下返長干
蟠子裙要報合歡
桃渡蔣陵乘水起
簫聲鳳影障春寒

名園池館翠成圍
更掃雕梁待燕歸
爲報鳳皇臺上鳳
這回端的是于飛

琉璃硯匣緊隨身
繡罷鴛鴦寫洛神
婿得詩人于鄴婿
不慚人喚蔣山人

花燭辭

花燭春逢七夕輝
洞房如此畫船稀
秦淮水滿佳人笑

變雅堂詩集卷五

八

歸鳳求凰得鳳歸

渡頭郎不擬頻來
天意翻成合盃
十丈紅纏絡一作羅

鼎耳謝伊今日作良媒子種以贖藏鼎來白下

佳人結束自南朝
燈下看來滴滴嬌
郎也莫嫌衫袖窄

爲儂遷就一吹簫

亦知天下皆風塵
泥裏青蓮認往因
飲酒誰明魏公子

買絲新繡梁夫人

醉中口號

最愛清真李卓吾
從他馱子罵狂夫
君身已帶馮雲翮

只少同予看後湖

悲歌又上鳳凰臺萬劫消沈那見灰大事此生須自了
男兒切莫敬如來

兒子晬盤其母求百餘文爲餅餌之費不能應懟
而自行稱貧爲之余飽食不慚而已

糗糒人情也不能荒厨忽忽有烟興阿翁飽食無言語

何似庭前托鉢僧

以蜜和米麩作餅爲糗
糒正月元日以相饋

聽韓生說武宗平話

敬皇有道繼唐堯莫把丹朱擬聖朝興邸一龍飛九五

變雅堂詩集卷五

九

依然玉樹變簫韶

侯園觀家樂童子乞詩

擊楫中流萬里風先生愛唱大江東於今竄入笙歌隊
羣少驚看一老翁

夕陽

客居門外俯長河
離舫紛紛聚散多
惟有夕陽流不盡
人間鐵石也消磨

題王阮亭治春詞後

揚州恨血地全遮
復有笙歌蓋土花
賺得聰明王十一

春詞賦就起悲笳

莒州

鳴鞭早過莒城西平野霜花剪更齊卻笑寒雞當曉默
日高空補數行啼

聽酉陽土司楊卿正經琴詩

囊琴襜被到門齊一曲絲桐遠鼓鼙彈罷不禁鄉淚落
酉陽更在楚雲西
千里無烟楚蜀同劫灰何處問焦桐異鄉邂逅相憐極
各有孤兒伴老翁

變雅堂詩集卷五

十

張徑蓬蒿迴未迷開琴剪燭紙窗西峽雲散盡湘烟冷
惟有孤猿夜半啼
握手臨歧囑賞音相逢涕淚亦何心南薰忽逐悽風斷
怕見孤臣有賜琴

但說知音我卽悲君王親與作鍾期人琴不是尋常痛
再鼓高山也是痴

錦衣操縵盛顏歡奕葉君恩況世官十一年來行路遍
始知蜀道不會難

見說成都昔拜郎總戎卿月有輝光殘生何似吞聲去

世上逢人盡杳茫

題鄭肯厓先生漁舟圖率成四絕並志感贈

漁父從來勝屈平
離騷那及櫂歌聲
笑余頭白鍾山下
不辨滄浪濁與清

君家名士本樵漁

鄭樵字漁仲
借意及之

夾漈才多好著書
何似

先生三十首自歌
自舞自軒渠

匿跡他鄉四十春
桃源洞口見漁人
洞中雞犬全無有
愧把題詩當款賓

鄭莊兄弟滄浪後

謂亡友爾
忠爾孝

久作山陽笛裏悲
何處與

君重話舊釣魚舟
上最相宜

今夜

蕭寺孤燈雨滴苔
老夫一出旋歸來
呼兒且莫忙沽酒
今夜懷人不舉杯

梅花

數尺霜根幾載移
一尊深賞向南枝
平生只是知慙愧
逢着梅花不作詩

乙巳八月十六夜

中秋節後何妨雨
卧聽蕭蕭掩竹關
記得月明潮欲上

去年今夜在焦山

題朱林修塵外樓圖

芳草無邊似綠江，高樓臨眺客心降。
向東一面尤一作獨奇絕，盡放鍾山入小窗。

贈妻弟王雪洲太史

憶昔扁舟去國時，蕭蕭兩鬢已成絲。
君今年少稱詞伯，不問吾衰衰可知。

龔宗伯座中贈優人扮虞姬絕句

年少當場秋思深，座中楚客最知音。
八千子弟封侯去，

惟有虞兮不負心

秦郵旅夜李鏡月閔賓連載酒

客舍寒多苦夜長，故人攜酒問風霜。
淮南列郡如碁布，惟有秦郵是醉鄉。

寶應阻風

透骨奇寒一夜生，孤舟歲晚不勝情。
北風吹老黃河凍，遂有歸人冰上行。

再客戲東鈍人

再客淮南事益非，長河冰凍阻南歸。
一窗寒日營何事，

老眼穿鍼補破衣

淮陰送別徐松之

秀州分手楚州逢
兩地同聽古寺鐘
可笑淹留余失策
翻疑君去太匆匆

宜陵別蔣前民

東臯三月感相依
垂老飄蓬計盡非
今日臨歧方自笑
半尊殘酒送君歸

送龔孝升至燕子磯

送客停橈傍釣磯
江風初起浪花稀
一行霜雁沙頭宿

變雅堂詩集卷五

三

留待孤帆出浦飛

青眼相看世所稀
辭君此地轉依依
長江南岸青山下
翻送居人策蹇歸

江干欲別更維舟
沽酒斜陽好滯留
直上燕磯高處望
青山白雪是神州

今年貧口號

并引

舉子未及三朝而撤賣其牀
載寢以門扇鄰母見之而笑

呱呱聲裏奪兒牀
赤地無門豈弄璋
縱使他年飛食肉

也愁隣母話爺娘

親家故人子汪莠厥至以葉水心集質錢飯之
饑來嚙盡子卿瓊豈料鄉親遠惠然一飯相留難忍笑
看君咀嚼葉龍泉

絕糧之日家人胥讒而幼女慧黠獨無一語

炎威無計出蓬門那得朝饗與夕飧穉子默然吾獨愧
始知交謫反爲恩

尙有錫茶瓶大小十枚家人悉以換麥

書幣當年不返茶空瓶十口厭陶家滹沱麥飢饑時味

變雅堂詩集卷五

十四

豈讓珠泉煮建茶

差役紛然惴惴恐及而總甲牛姓者獨過門不入

或詰之牛君曰此家旣無五尺之童終日見他

着兒子上街賣書賣家伙度日且聞其人不會

生發只曉得看看書尋他作業我是以不往

不知鮑叔在比鄰數語無多便寫真翻是褒揚成毒罵

此時喚我讀書人

有持五百文請予文者自矜曰我爐黃錢也余笑

之因記昔年楊龍友請予爲作其季子傳肅衣

冠以五十金潤筆而茅止生來索觀予文猶嗤
曰龍友小樣不知文章痛癢以今論之知痛癢
者莫如持五百文者矣何則當厄故

囊無餘粟竈無烟天下文章絕可憐若向此時知痛癢
惟有五百青銅錢

元亮先生歸來屢空而杜子當飢熱無告時猶不
免厚顏噫

亂世金蘭結苦因俱貧不是一般貧憑誰寄語陶元亮
更有門前乞食人

變雅堂詩集卷五

五

無所不典矣僅絺帳飄蕭有離別可憐之色吾何
計留之哉

罡風橫掃北山薇典盡衣裳到做帷不獨腐儒朝得飽
也教白鳥夜無饑

離念問旭二詩僧攜杖頭過草堂云欲觀先生一
飽

窮名赫赫流方外開士雙雙到竹邊解下杖頭無一事
觀余醉飽當參禪

施愚山自山左以一繭貽余前後兩書一詩極贊

其妙且囑余製一袍余自入手啟封卽付質庫
今夏徑從質庫轉付債主矣蓋未及再見也

千里交情寄縻絲殷懃押字復題詩忙投質庫旋償債
不記匆匆過眼時

隣友入幕驟富因嘆吾紀伯紫以百倍之才十年
之工而不如也僕之窮宜哉

敢道蒼天理不通張郎豪富李郎窮主人自愛真魚目
莫把玼珠悞惱公

以書于鄧太史爲覓一館穀地太史覽書畢笑曰

變雅堂詩集卷五

六

有此大饅首無此大蒸格噫事不諧矣

舟楫鹽梅事可歎匏瓜何幸比蒸饅第嫌格裏規模大
何不將伊破格看

聞知已龔先生丁內艱南歸有日矣乃復不果鳴
呼我則使然與

悲君弗克見星行如滌山川共此情雲勢南來應得雨
爲誰散作北風聲

時大旱

柴門

遠遊十口但饑寒何事柴門片片殘白粲烏薪收拾好

明朝再說不相干

客有誦孝升飲菊谿紫苔軒歌中句云于皇詩是
飛仙人海月江烟供咳唾予嘆息不已

海月江烟豈療饑飛仙何日不攢眉一時輸與村郎俏
積穀稱金便是詩

朝不食夕不食此何時也或過而有所爭論不知

余尙不辨東西南北遑知所謂壇坫者哉笑而

謝之

萬古聲華劫一灰班揚屈宋總堪哀先生盛氣爭何事

待我明朝飯飽來

變雅堂詩集卷五

七

中元祭先慈竭奔走之力才得蔬核四器而已自

傷無狀至此猶吾大夫崔子也

節序驚秋月又圓傷心卻不爲三餐黃塵白髮他鄉夢
血淚青蔬慈母看

烟爨不興王臬青貽嶺南黃熟香胡靜夫貽六安

梅花片皆絕品也又先是紀伯紫貽湖毫一管

身在三物閒強坐繙書不覺失笑

饑來但喫梅花片寒至惟燒黃熟香彩筆一枝書數卷

何人信道是空腸

濟叔濟余一金而索一金之逋者至

分金豈與索逋期接跡隨肩事亦奇賴是故人情意到
不曾輕輕一毫釐

逢胡元韻談次書感

馬通堆裏豈梁園白首傷君不憚煩苦硬故人教餓殺
黃金只用買諛言

奉懷孝升

多亂餘生重苦饑途窮過豈在相知惟應卻恨江頭別

變雅堂詩集卷五

六

一日懷君賦一詩

中秋日一粥閉門睡矣忽聞呼門聲乃柳叟敬亭

走力送酒并青蚨一千想外格外感而有紀

中秋無食戶雙扃叩戶爲誰柳敬亭亟送酒錢仍送酒
直教明夜也休醒

中秋明日几上再見敬亭來札封函下方有八字

云來人受賞我就天誅始悟昨者平頭逃去之
故不覺與客大笑又成一絕

封題凜凜太周詳醉後重看笑一場多少同人稱厚道

來伴未免言商鞅

姜真源自江右陞任山左冀得過秣陵則一救也
而不至因憶向與真源論張太岳相業真源以
經世許余今何如哉

滕閣風高望又孤應逢相識問窮途江陵老子如今在
只是臺城一餓夫

變雅堂詩集目錄卷六

五言排律詩

長干阿育王塔詩

賀黃澹巖初度時方考選

樂府拾遺

江水清且深

無渡河三首

聖德昌

變雅堂詩集卷六

黃岡杜濬于皇著 同邑後學劉維楨重校梓

五言排律詩

長干阿育王塔詩

巖業長干塔莊嚴三百年向來俱草創及此始精堅大
顯康僧會恢弘吳主權憑空收海嶽拔地半人天旭映
鍾山紫燈齊象緯懸皇居由此壯帝夢至今傳聖感誰
舒眼宋時名塔頂爲外國所進慈恩莫比肩兜恩籠萬象寶網護三禪銅
題金如草風磨銅價倍黃金香臺玉琢蓮世尊悲下界

變雅堂詩集卷六

一

迦葉笑層巔高使雷霆鬪孤令風雨偏行雲時側睨滿
月始平圓鼉虺排瓊戶屣屣錯錦塵八欄鈴怖鴿九級
勢迴鳶頗困詞臣筆曾傾內府錢無雙華震旦不二拱
幽燕勝概胡僧拜真形國手鐫祠猶隣木末門不對金
川重整功都講新規煥大千鉤心還鬪角豹尾復螭顛
舍利光常住菩提樹隱然登危須定力靚瑞有奇緣誰
估琉璃價應沈韎鞞船報恩殊不細開國鼎常遷末法
無真衲先朝有賜田徒然採目客不見點頭篇丹碧秋
增麗虛無畫有烟竦身思矯矯寄想亦仙仙目力窮何

際心旌搖可憐何當凌絕頂一覽折中邊

賀黃澹巖初度時方考選

里社元相望冠裳幾泣盟論年余後出師德爾先生抱
邾隆中久觀書圯上明日張西楚幟何止北軍驚高第
歸風雅雄文吐性情空羣聞自昨相士一惟誠戶適羅
叢桂厄富泛菊英致君時未晚服政歲初盈始滿公無
愧如陵頌有聲詩深元卽易寶善豈言珩黃髮看猶早
青蒲匪爲榮螭頭抒謇諤龍尾著忠貞房魏瞻吾郟何
須露不平

樂府拾遺

江水清且深

黃河深而不清溪澗之水清而不深尾海滄滄倚天一
碧中多蛟龍來往出沒徒好淫蛇龍猶自可蝦鼈愁殺
我三戶之郎持楚竹釣竿籬籬餌龍肉長跪請君且莫
釣魚烽火照江底魚龍豈不相攜徂春江花月夜辱我
太區區雲帆秔稻河伯不言祿但相借問今日亦何如
材官小臣指塞耳心知恃爾長江水

無渡河

河邪水邪厲揭邪鳥棲一枝之木獸時一垓之土湯湯
河流獨安爲家

無渡河利河不深升斗之水可以殺人安得爾渡爾竟
不渡予汝何親

無渡河利河不深蛇龍蠃蜒可以寒心安得爾渡爾竟
不渡予汝何禁

聖德昌

司閭不用髡黥之子營田不用雀鼠之兒闌茸有智大
朝何疑猗歟聖德昌人不能知解駟駮駕馬艇癡奚爲

變雅堂詩集卷六

三

奈何呼之耳不聰一作聽刺之心愈聾使獨立八紘之上

彈五絃之琴目營四海怒如調饑解二女媧鍊石可以補

天大人先天不違玉衡可以正泰階可以平陛下萬壽

天知之解三

自序

兵革以來忍饑索處與向來知舊邈焉曠隔間一相邁
輒問新詩有幾應以無有殊易爲辭而歎然握手一笑
之樂在今日亦絕可念也於是姑簡近年五言近體百
餘首鐫爲小帙取其目多而幅不侈用爲杖藜見客呼
兒覓紙之資非謂此體微易且差能也老客杜濬題于
獨旦齋

變雅堂詩集目錄卷七

倦游草

揚州寓樓坐月

樓夕

二十夜月

家信

九月初七夜因圃看月

九日晚集因圃四首

樓雨

變雅堂詩集目錄卷七

晴

半草亭

眞州雨泊傷于子秬

十月一日晚愁喜家兄過

和兄作

秋日同靜能前民上後湖亭感興兼懷蜀友范仲

閣昔年宴集二首

送軫石竺生返廣陵十首

雨

清涼寺贈掃葉上八

寒夜方朔兄過談

冬夜宣城梅杓司過訪二首

別梅石三兼勸其歸響山

公調來自臣虎先生所感賦

贈吳伶王子玠

賦得別家逢逼歲

再過金山

變雅堂詩集卷七 倦游草

黃岡杜濬于皇著 同里後學劉維楨重校梓

揚州教場寓樓坐月

鼓角竟無聲愁人愛晚晴寺樓雙眼闊煙海一燈行玉
笛悽應斷銀蟾缺更明坐深無歎息眞想靜中生

樓夕

爲客曾無故登樓亦偶然古城延落景秋草上青天野
火風吹盡平沙月照圓馬嘶今夜苦歸夢戰場邊

二十夜月

變雅堂詩集卷七

一

怪爾江城夜頻頻動玉簫暮煙深似海初月上如潮不
覺風塵暗彌傷客鬢凋明年春草綠吾擬問嫖姚

家信

不爨邗江日家書報絕糧途窮翻可笑事急豈能忙老
父思端綺饑兒寫數行出門須作計四顧野雲黃

九月初七夜因圃看月同前民

是夕有歌
筵不起

秋月無心甚開林下石渠柳情歸浩蕩煙徑入空虛積
雪寒何有孤雲細亦除遙憐歌舞處高燭爛庭隅

九日晚集因圃同韓臣作

弦後添明月霜前作好秋
石欄分送酒林杪一登樓
白鴈初傳耗黃花豈共愁
歸心涉江水清絕正東流

二

重陽誰卜夜似爲此林亭
夕炤潛通月光不帶星深
杯俱皎皎高柳故冥冥
坐覺人皆醉疏鐘報獨醒

三

佳節思親句尊前咏不忘
自從失荆婦誰與製茱囊
地僻愚兒女天寒信酒漿
舉頭窺過鴈飄忽不成行

四

變雅堂詩集卷七

二

五年前此地曾已賦霜毛
匣鏡今須棄尊罍晚自豪
空明心萬里飄泊手雙螯
仰面青天在知余倚醉號

樓雨

曉雨天露草蕭蕭
牧馬羣鼓鼙喧絕徼
部落擁將軍僕
病炊無術僧慳屐
不分兒童生故晚
正誦美新文

晴

海角收殘雨樓前散夕陽
行吟原草澤醉臥卽沙場
騎馬人如戲呼鷹俗故狂
白頭蘇屬國只合看牛羊

半草亭爲侶黃新居

亭割花谿半乾坤此逕分客應番載酒吾與細論文節
老經霜菊秋多渡海雲逸妻將令子勝地樂夫君

真江雨泊因傷亡友金沙于子相

江路逢秋雨客衣增暮寒真州山不斷瓜渚酒猶殘歸
鴈寧辭涇蘆花覺自乾故人今宿草回首憶交歡

十月一日晚愁喜家兄方朔過寓齋賞余游什

向夕垂堂坐何人見屢空謏才甘世棄孤調得兄同鴈
唳星辰下霜巖鼓角中燈前吾先去聲長早作白頭翁

和兄作

此心常不樂暗問亦非愁自有平生事何關草木秋幅
巾長乞食敝屣遍登樓正爾填音好將余淚更流

秋日同靜能前民上雞鳴寺後湖亭感興兼懷蜀
友范仲閣昔年宴集此亭

廢寺無僧住山光亦不親石門欹壞道風葉侮游人直
視毘盧面猶多戰馬塵霜鐘殊寂寂空外吼何頻

二

樹力支危樹山形遶禁湖繇來天地意不厭白鷗孤綺
席人誰在臺城草自鋪好留明月炤輦路傍蘼蕪

送軫石竺生返廣陵

明月街中路留君步履遷再來風凜冽此別興蕭然建業朝攜手眞江夕問船沿途看紅葉吟到綺窗前

二

去住心難決徬徨對僕夫破愁思女慧失計怯鄰逋水路明晨發山游異日孤交深全用拙別後爾知吾

三

北城來不易卯酒幾回嘗秋菜盤餐薄鄰雞野屋荒眞貧無可愧空返卻難忘身去寧須夢孤舟夢更長

變雅堂詩集卷七

四

四

士以癖成趣因之添別情飄蓬仍避俗爾弟似吾兄香隱腥羶界簫傳要眇聲懸知分手後愁臥廣陵城

五

多故困垂老憐君思息機家應添稚子游不辦孤扉兄弟東湖夢風霜短袖衣惟余更淪落敢道汎交非

六

餐館將詩代愁吟況不工但存今日意卽與古人同作者如家事離騷變國風小軒君着眼策策兩梧桐

七

世士往求道芒芒何所之聚頭皆水母投體拜斲兒擊
竹拈花意空山石壁知與君離伴走傀儡竟堪嗤

八

盡失懷來意萍踪到岸分郭西居獨遠天下事寧聞弊
俗歌兼哭勞生怨且羣過江宜洗耳聽說背鬼軍

九

策杖分襟地旗亭濁酒杯秋風彭蠡鴈春色嶺南梅不
厭元侯笑休教庾信哀殘年看射虎亦足慰摧頹

變雅堂詩集卷七

五

十

莫道來何事應知得未曾龍沙風浩浩雪窖水稜稜有
淚看鍾阜無冠拜孝陵舊游君徧訪昔夢總難憑

雨時前民將
欲別余

冬暄何可恃一夕起層陰落盡衰桐葉方知急雨心暗
停南浦棹寒折北齋琴鄰舍知幾早多時響莫砢

清涼山寺逢僧號掃葉者贈之以詩

塵中方蹙蹙回首見幽涯山色張寒錦川光倚斷霞尋
僧逢掃葉遶樹當看花好記清涼路明朝來出家

二
掃葉幾時盡
秋風秋雨多
四山聲不斷
一樹寂如何
定日間同帚
霜天靜
養柯翻嫌丈室裏
花事惱維摩

寒夜方朔兄過談

月到深冬苦寒堦
伯氏過掃除愁不盡
生發酒無多
歲事聽鴻鴈
鄉心見薜蘿
歡場如電夜
此地費消磨

冬夜宣城梅杓司過訪留宿寓齋同作二首

北風今夜急
吹月已成霜
愛月嫌風色
開樽閉草堂
故人宛陵秀
襟被況相將
經歲纔同夢
寧知更漏長

變雅堂詩集卷七

六

二

未荅見懷作三年直至今
謬同中夜舞
忍誦白頭吟
老馬空知道
驚鴻竟絕音
倘君好枯槁
自可再相尋

別梅石三兼勸其歸響山

并懷次尾伯宗兩亡友

世事灰心後
時人在眼中
聞君有五畝
何苦逐霜風
臆酒姑埋炤
梅花與固窮
還山山更好
春信暗相通

二

吾代元龍氣
宣城季豹孫
讀書期萬卷
求友憶諸昆

謂明

三去必經秋浦來
非爲白門兩
冬連榻話銷盡
十年魂

公調來自臣虎先生所說先生亟稱我詩且惓惓
期我一晤感賦

八十鄒夫子怡情畫與詩靈光存魯殿元氣在韓碑豈
見愁銷骨遙憐淡掃眉扁舟下春水相識未爲遲

贈蘇伶王子玠

分明南去客忽接北來音出岫雲俱嬾登場鉢自吟淺
夫頻擊節識者但觀心儔輩無消息春風吹素琴

賦得別家逢逼歲

臆月江風厲驅人苦爲饑同舟欣有伴借問盡言歸白

雪南枝近黃雲朔鴈羈天涯逃俗累亦抵閉山扉

渡江再過金山作

春冬江再渡似與此山期來往孤雲在高深白鳥知波
平風軟處天擁雪殘時北岸吹寒笛如吟孟浩詩

變雅堂詩集卷八目錄

別興草

別興三十首

附茶喜一首

變雅堂詩集目錄卷八

變雅堂詩集卷八 別興草

黃岡杜濬于皇著 同里後學劉維楨重校梓

別興三十首 有序

別興者何送蔣子前民也蔣子以十月廿日同兩
王子蔣叔子杜子解維而上以廿三日至白門以
十一月四日自承恩蘭若移襍被書策過杜子城
北之寓齋齋在鷄鳴山尾之右所謂十廟西門者
京城近日之極遠僻處也風沙苦惡氣象昏昏居
然龍荒窮朔無少異凡四方有事來白門者例不

變雅堂詩集卷八

一

至或爲杜子至者北走十餘里雖嚴冬嘗流汗氣
息喘不止入門坐未定必首尤杜子何乃居於是
徐徐視梁柱欹腐有落勢牆壁皆傾倚如巨人欲
磬折將俯及客頂者客色然恐其壓已也坐不正
足跼跼欲外曳又門外牛車彭彭馬蹄蹴跋然日
落風生杜子急起導客曰君真可以去矣送及門
蹤影滅他日逢人更傳語杜子奈何居於彼不知
杜子力不能遷且亦陰利客之不能至焉耳乃蔣
子何爲者事在城南饑不及餐顧獨得得然肯來

共杜子數晨夕反指城南爲遠僻地每一往過輒
尤城南之人如向人之尤杜子歸則與杜子啞然
而笑時復相與想見古人嚼雪吞氈庶幾彷彿此
地況味且幸杜子無牛羊可盜往往以爲談柄壯
我幽悰如是者不覺二十日蔣子一旦辭杜子去
嗟乎彼數子者皆零星先去久矣蔣子爲我獨留
我以慨于心也計此二十日內奔走與端居約略
相半笑嬉與愁寂情事非一而杜子於其行也目
送口吟趁筆直寫其間或可以詩或可以無詩或

盡於詩或不盡於詩或似詩或不似詩莊嫚雜陳
穢然自放自非張祿先生所云寒心者大略具是
矣總得如干首命之曰別興少陵云乃不知興之
所至而爲詩知言哉蔣子第藏之自非忘言味道
度外之士彼徒以是爲詩而求一觀其工拙者蔣
子謹謝之勿出也

使回家信到不復道留君行色生虛館臺城起片雲竟
忘虞芮訟端寫鮑昭文轉盼傷離索江橋又落曛

又

方舟昨共上江雨六人寒次第多先去於君獨後難卷
書行李重醒酒布袍單不用愁煙水荒年處處灘

又

半間傾倒屋亦號讀書堂不厭千回掃纔焚一瓣香晝
吟分研席夜臥共匡牀戎馬猶鄰近真依避世墻

又

貧居偏覺遠況在北城隈落日中原外悲風萬里來近
冬真嚙雪過嶺悞尋梅不是冰天伴多應早早回

又

變雅堂詩集卷六

別興草

三

比日相看笑留君共在陳書償賒酒價蔬覓灌園人同
谷此兄弟鹿門誰主賓古來惟寂莫特地覺情親

又

卞急能傷性嗟余不自知養生中藥少忘老大歡遲更
作窮途鬧將無達者癡近詳慈母誠敢負語臨歧

又

癖潔端無比孤情恥尙通草蔬惟汝共巾拂與吾同佳
侶如幽獨高文賞固窮羣兒見留客私亦詫癡翁

又

南鴈離離後何因更寂然相將尋絕境幾度望高天松
柏將軍樹湖雲寶誌禪君行漫回首日出布帆前

又

屢入亭侯廟長吟杜老詩公孫躍馬日丞相出師時正
許禽魚共而非神鬼知江樓如抱膝此地最相思

又

荒庭何所有秋老雙梧桐明月落時響疏星補處空似
因吟得伴更覺意無窮再至應難見遷流任轉蓬

又

變雅堂詩集卷八

四

棲霞遊不遂山鬼笑吾徒夙約人人到歸帆一一孤漫
勞悲鳳鳥誰敢傲麀麇但踏門前月霜峯清夜徂

又

大抵因蕭索蹉跎咫尺裝窮愁無到法山水亦炎涼江
路親峯背天涯繫客腸流傳羞向子故作解嘲章

又

再到清涼寺同憐秋葉晴眾峯雜紅紫一樹獨黃明湖
水橫如黛江流遠自聲酒邊君去路指點石頭城

又

二旬能幾日閉戶發吾書取舍皆孤往饑寒頗晏如豈
無白日夢空鎖子雲居自寫充行囊中郎意固虛

又

往往奇吾子人言未盡同書能妨五袴酒不易三公見
月忘妻病呼天問我窮朱絃戕俗耳且莫暢元風

又

于皇自記曰雖無交涉
大欠慈悲罪過罪過

哀哉誰氏子寃我是伊讎捏目花全幻吹毛斂只羞河
沙分路遠湘水閉門幽一笑煩相謝山僧不暇酬

又

變雅堂詩集卷八

五

苦在饑寒外知君念我深幸開終古眼不媿百年心腐
爛浮生夢支離澤畔吟昔人何太淺恨恨到於今

又

雞山一抔土登頂卽超超下視風烟積同悲物役勞偶
然人境遠何況道情高與子雙揮手虛空在緇袍

又

相聚真何得聰明恐捕風瞿曇偏說有夫子妙談空了
卻君王事依然鹿豕翁只今窮豈怨當日本求窮

又

文章雖未事貴與道俱生不朽非千載忘言洞百城可
憐無耳目爭欲用聰明之子何偏僻頻來問楚儉

又

修竹蘄王廟幽棲屢訂余江天無俗物曠日讀殘書顧
此憂晨夕何由樂歲除行行還聽命造化妬樵漁

又

爾歸江上閣可以暫離羣流覽烟霞態深看冰雪文寒
花無俗豔落木有奇聞工易誰先得當知悟不分

又

自記曰世太可欺是以悲耳

變雅堂詩集卷八

六

舉世趨名字誰爲禪與騷宗風牛僧哆詞翰狗屠豪道
覺攤書在人須閉戶逃忍看聾聵者流轉正滔滔

又

老厭書聲聒歸來不教兒勞君相勸勉顧我竟頑癡失
馬翁全聽亡羊穀但隨茫茫人海內責望亦奚爲

又

于皇自謂以道力延年讀此似兼用告子學問真才眞苦

天涯集百憂知己嘆無謀廿日纔窺豹平生可汗牛強
將心絕想不用眼看愁似是支吾法狂歌傲白頭

又

幾發東山興楊家復寇家
息心游浩蕩淨眼看空華
塵暗江南管風吟日暮笳
請迴窮士駕書屋有梅花

又

兩日始一飲飲終仍不酣
可憐雙蕩子何苦落江南
別酒賓翻置深杯主重貪
黃龍無浪語大斗尙能堪

又

去冬飛雪早吾容爾蕭齋
寒雀窺開徑香醪暗典釵
經年如夢裏易地各離懷
喪亂無餘事匆匆一鞦韆

又

變雅堂詩集卷八

七

極知無益甚未死兩般心
傳世猶多事懷人復好音
張翰名計遠蘇武色根深
君過邗江畔停舟試一尋

又

吾兄逃俗客襍被爲君攜
話畢鐘先動詩成鴈一啼
凍蕉猶閃閃霜草不萋萋
相送危樓下回看十廟西

附茶喜有引

海內喪亂後好事之地頗
數維揚然不精茗理井
滌亦濁腐人肺腸望而畏
之矣惟茶舍有某軒者
粗知用江水間及天泉淪
新安選茗差可入口余

每過暖數盃然香色淺薄天質不幽市氣囂囂厥
病文俗苟可以漱滌腥醜驅解渴躁而止非茶也
私謂此中斷可勿生茶想矣乃茲七月之望余將
南還同蔣子前民下瓜渚微雨放船秋光可掇中
途雨止相與登岸散步尋道旁桂園折得數枝入
舟一水之香直達三徑詰朝金風戒露晴昊洞然
既夕圓魄東升着地碧色漏下之後蝕而愈明街
鼓告寂閉門淵永蔣子吟嘅有會徐出茗飲余素
瓷若空微馨絕類余少呷而沁心焉遽驚視蔣子

不能言良久問蔣子何繇得此蔣子云此吾久澂
秋水濯峒峇精英躬親潔器察火而有此也雖然
豈繫非天蓋他日未盡若是矣余然後悔向來絕
望爲太勇豈可易料天下事哉夫予論茶四妙曰
湛曰幽曰靈曰遠用以澡吾根器美吾智意改吾
聞見導吾杳冥今亦具是矣賞豫之餘僅得一詩
詩雜乎茶而志曰茶喜然則奚用而繫之茶又奚
用而繫之喜耶嗟夫詩

維舟折桂花香色到君家露氣散秋水江天卷暮霞南

軒人去盡碧月夜來華寂寂忘言說心親一殘茶
杜濬自記曰愚嘗論詩諸妙皆生於活諸響皆出
於老至極之地曰玄曰穆而根底在於聞道不然
見識一卑卽潘江陸海圈牢中物耳每與二三同
志言之不敢以告他人也

自序

客金陵游棲霞次日事也遲至二十年晚矣賴天氣晴
和游侶不雜生平遭際以此爲幸顧以悼念仲兒心創
未復不耐營度作記又耐深思作五言古詩惟七言
截句差可任意拈弄往返得如干首挂漏眇小不足以
辱山靈蓋聊紀時地而已其游以戊戌十一月初六日
往以初九日返何其速歟抑有說歟同游爲王子于一
蔣子前民兄弟周子貞栖家兄方朔兒子世農共七八
茶村杜濬識

變雅堂詩集卷九目錄

攝山草

出太平門

道中見棲霞

又

梁武疑冢

般若臺

佛殿

紫峰閣

變雅堂詩集目錄卷九

閣前月臺

遺谷

千佛巖

桃花澗

同前民坐月峰頭

白雲庵

霞髓

山下

礪邊

松蘿

白鹿泉

伽藍

夕陽

則吾庵

與庵僧

又

又

與山別

變雅堂目錄卷九

二

又

歸路月

山游歸寓同諸子到門喜緯之忽至

書僧箴

變雅堂詩集卷九 攝山草

黃岡杜濬于皇著 同里後學劉維楨重校梓

出太平門

冬日游山賴好晴棲霞今始快生平太平門外青霄下
不落淒風葉一聲

道中見棲霞

短日寒天漸欲紅攝山純紫夕陽中山靈頓覺相親近
不與江天過眼同 前此江行每見峯背

又

變雅堂詩集卷九

一

目極危巒日下春茅君廟裏幾株松心知不及中峰宿
今夜猶聞寺外鐘

梁武疑冢

當年蕭衍已成塵疑冢虛傳欲亂真莫道蹇驢無氣象
何如石馬立荆榛

般若臺 臺甚荒落

僧叩僧扉扉易開誰知般若竟非臺嶺頭葉盡天空闊
獨倚山牕看鴈來

佛殿

大樹風多葉盡飄
莊嚴猶自見前朝
黑頭江令殘碑在
不記君王舊姓蕭

紫峰閣

一閣總收四面峰
何峰不削紫芙蓉
夜來更不妨明月
影裏鬚眉盡是松

閣前月臺

看于一掃除

糞掃堆中積玉墀
看君下筭若風馳
月明只得今宵看
定有癡人笑爾癡

遺谷

變雅堂詩集卷九

二

山裏尋山山更清
尙嫌遺谷未遺名
老僧不作閒功課
槌磬一聲幽鳥鳴

千佛巖

巖石遍琢龕像可恨

石骨參差本絕奇
最宜殘照與初曦
如來恨殺風癩漢
多少山瘡不可醫

桃花澗

林中豈有桃根在
橋下流泉也不聞
老衲哆談全盛日
青苔石上坐斜曛

同前民坐月峰頭

竟日躋攀賞不稀邀君重上坐相依無因卻說茫茫恨
月色鐘聲共翠微

白雲庵

松篁自結一幽蹊積葉柴門咫尺迷我記白雲庵去處
過山又過小橋西

霞髓

石在中峰半道余以為
棲霞一山之髓故名

峰腰一石碧雲幢霞髓標題竟少雙楚客以茲爲絕頂
游人於此見長江

山下

變雅堂詩集卷九

三

中峰左折暢經行山下看山眼更明煙壑霜林當夕炤
偏因來晚見冬晴

游此山皆
例以秋

礪邊

紅葉無風猶着樹青松媚日自生烟鐘聲出塢清如水
早有幽人立礪邊

松蘿

松枝自結
其圓如規

松蘿不識誰規製似是蒼天手結成深入林中矜一見
忍教聞着斧斤聲

白鹿泉

萬壑枯時獨此泉
支筇能不愛涓涓
夜深一線流孤月
落石穿林去杳然

伽藍

金繩覺路市塵遙
步屣何因意未消
聞道伽藍收靳尙
世尊應不讀離騷

夕陽

憑高恰遇夕陽還
盡見山前山後山
身在山中能幾日
轉憐飛鳥向人間

則吾庵

亂石下谿如飲馬
喬松攬漢似游龍
折入僧庵迷出路
有門通被竹陰封

與庵僧

仲冬幾日山中住
白石青松好負暄
削盡柔芳存老氣
此時方不似名園

又

總持不是無風韻
四到棲霞盡是冬
解愛巖枯人有幾
殘燈古佛若爲容

又

眞山沒處着工夫石瀨霞紋盡畫圖但問天台雙行者
家家茗蒂不曾無只是勸他掃地

與山別

朗如秋霽無殘暑妍似春空絕細絲莫笑來游頭半白
好天須作廿年期

又

好山輕別費沈吟不是尋常去住心人恨來遲吾恨早
地爐雪片此中深

歸路月

變雅堂詩集卷九

五

五日游成霧有餘纖塵略不到衣裾歸來山月慙勸送
霜影猶啣紫翠虛

山游歸寓同諸子到門喜緯之忽至

無爾山行念不休柴門同到似同游開樽卻話山中事
徑欲禁當九月愁九月余失仲兒

拾遺

書僧簞

虛能惠遠一齊刪撞罷齋鐘便是閒好住不須多蓄積
於今戎馬到深山

自序

少讀謝康樂游山詩慕焉嘗東游爲詩跂之而勿逮也後讀少陵岳陽樓秦州何氏園諸詩乃知其妙亦可變其音節於五言律故今春與友人王子蔣子游京口諸山遂純爲五言律嗚呼難哉居嘗論爲詩貴得其意意者近而遠反而正止而行者也極其至雖辯者不能以言言誠得其意卽無往而非九天九淵不然苦吟仰屋梁無當也夫齊人華游者鞭其馬而東馳日行數百里自以爲必至矣而不知其去之乃轉遠也嗚呼難哉故

夫鏗鉤之四六與刻畫之文章俱無當於詩此近日王李鍾譚所以兩失其意歟嗟乎自非解人雖與之飲啖未見其可而況可與之論詩可與之處山水之間哉噫予不敢言

變雅堂詩集卷十目錄

三山草

金山

妙高臺

金山曉陰有懷亡友王雪蕉

登金山塔六首

北固山

宿北固山下庵

北固山逕同軫石二首

變雅堂詩集目錄卷十

一

招隱寺

白龍洞梅

鶴林寺杜鵑樓書感

焦山六首

題江岸避風館

賦得十里桃花

正月十三夜至瓜渚前民攜酒大觀樓憶是早別

軫石於郡城予以明日過京口

元夕江樓看月

軫石生日

聽軫石琴四首

前民生日得四首

雨過于一紀所見

從石塔寺過紫峰繫所有述

春晝

過朱園有懷麓翁先生

又聽王子琴

新城書感

春草

變雅堂詩集卷十三 山草

黃岡杜濬于皇著 同里後學劉維楨重校梓

金山

山從南北望孤棹始登臨坐覺春雲動行看水國深江
流元自湧天地亦何心獨拜蘄王廟英風爽客襟

妙高臺無月

正月十七日逢初
度同軫石前民作

連宵皆好月此日特登臺何意東峰雨疑從北固來江
聲催白髮天影落空杯一霽偏相吝蛟龍永夜哀

金山曉陰有懷亡友王二雪蕉

變雅堂詩集卷十

一

夜潮喧達曙漠漠散春陰海氣昏南北鐘聲變古今轉
看鄉思減何故客愁侵嘆息鍾期去空餘山水音

登金山塔

虛空誰得住萬頃塔前奔孤日沿波轉遙天大海吞端
倪應楚越氣候豈寒溫赤縣神州意悠悠何可論

二

極目非無岸滄波接大荒人煙沙島白春色嶺雲黃出
世登初地思家傍戰場咄哉天咫尺消息轉茫茫

三

絕頂惟吾上忘懷達此生遠空微有映深水更無聲只
益江山迴寧聞世界平佛香吹廣漠一接掃塵情

四

憑欄專眺聽指點忽悲歌歲月荒龍窟乾坤此鶴河愁
雲天畔起煙草潤州多邊復悲身事飛霜滿薜蘿

五

長江頻失險孤塔自中流虎踞闕京邑烏棲俯戍樓標
題唐代警開鑿宋人羞一氣通衡霍諸天袞袞愁

六

薄暮難爲狀空中別有聞懸燈江海合望月水天分寥
廓身何往飄零興不羣向來峰頂色看作下方雲

北固

西郊諸嶺現北固稱其名石壁憑空下江天插水生鳥
飛孤閣半人上翠微平有處金焦合辭山更遠行

宿北固山下菴此地昔年曾屯水軍

無事過三宿禪燈繼夕曛山空孤磬滿風便落潮聞虛
白頻疑月藤蘿直似雲如何岑寂夜忽夢水犀軍

北固山逕同軫石二首

郭外空山杪途窮此逕存長懷金粟影高坐白雲根水
落添沙嶼煙消見海門忍看春草色的憶王孫

二山後有麒麟塚可
爲焦山瘞鶴之配

二子來何數勤于早晚潮登峰無酒茗行徑似漁樵曠
代麟猶泣空江鶴漫招故人琴隔遠白雪意中操

招隱寺

隨風深入谷遂上讀書臺古木門前逕清泉石上苔也
知春漸好未必客頻來草草尋遺跡山花去後開

白龍洞梅

變雅堂詩集卷十

三

覓洞披榛入探梅傍虎行地偏鐘鼓寂春霽雪霜生聞
說人稀到能無鶴自鳴下方歸路晚暗覺旅魂驚

山行訪梅不得到竹林寺

飲泉心未足出谷復何之欲問竹林路樵人亦不知遠
江雙鳥去落日一峰欹爲覺梅花近山風故故吹

鶴林杜鵑樓書感

鶴林何處好吾自愛重游有竹連三徑無人臥一樓梅
開春晝永山老杜鵑愁不復題名字書生已白頭

焦山六首

觸處迷人代茲山尙姓焦上頭仍棟宇到眼忽雲霄樹
色南徐近江聲北岸遙衣冠留洞壑不必訪松寥

二

遠跡滄江曲山情實澹然石根爭插水樹杪欲浮天莫
起蒼虬臥端如處士賢再來應醅鶴把酒坐高煙

三

八年前一到車騎亂青蒼賸此題詩客來尋置酒堂飢
鷹啼半嶺野馬戰斜陽實有悲盈谷非關弔夜郎

四

變雅堂詩集卷十

四

出郭來差遠憑高望獨深江分神禹跡海見魯蓮心密
竹藏金像回流灌石林擬尋幽絕處卻誦白頭吟

五

摩碑臨積水折竹杖危坡不向山中住寧知幽處多雪
埋孤衲笠風亂老漁蓑荒率存真意余心不厭過

六

僧堂陳古鼎青綠略參差沙劫何多故商周僅片時神
工疑太淺怪物復安施不必論真贗風塵忌獨知

題江岸避風館

館爲小有置公
狄留詩壁間

李生居不定置館禦橫流客至棲孤影僧高待白頭江
山供坐臥風浪警薰修借問今詞伯何如萬歲樓

眞州新城賦得十里桃花留別軫石前民

倚棹望遙天明霞漲一川同驚分手日莫記種桃年綠
是江南樹青爲渡口煙無勞更相送緩緩問歸船

二

歸情知已得相送爲淒涼何意桃花路能隨春草長以
幽通水色將豔補山光共說金焦後斯游不可忘

游山前後作編於後

變雅堂詩集卷十

五

正月十三夜至瓜渚前民攜酒大觀樓憶是早別

軫石於郡城予以明日過京口

令節吾何有危欄此暫憑客程看鐵甕鄉思豈金陵人
共中天月江分兩岸燈合離同日事西望意飛騰

元夕江樓看月

星火夢瓜州燈時得勝游難逢今夕月復此大江流碧
浸三山影煙含萬古愁夜深誰擊楫吾道在漁舟

二見星隕
如炬

俱此歟明月何期落大星徒能驚醉眼未許亂青冥戰

伐看前代江山想巨靈悲歌風乍起身世總無局

軫石生日同前民送酒一壺戲作口號

天涯俱失路有命實同聞明月雖慳我青山亦吝君老
添詩警策愁着酒微醺生事今猶昨空題白練裊

二

比年同屈指大抵此生餘世路黃金窄人情白髮疏有
懷宜述酒無夢到乘車可更求鮭菜新傳令弟書

聽軫石琴

入座含幽思三山展始歸方將彈古調迴復振金徽予

變雅堂詩集卷十

六

意尤耽此此音知者稀移時身不動親扣海天扉

二軫石語我少時讀書白狐嶺嘗
雪夜聞猿又邇年頗歷邊郡

江雲飛不盡流水上空堂寂歷人誰在颼颼曲自長哀
猿吟雪嶺匹馬弔沙場此意吾全識憑君鼓數行

三

愁腸不厭愁聽爾操離憂忽到無聲處何曾有淚流晝
長雙戶掩風定一絲游心路冥冥接人天詎可求

四

月焰彈琴手香傳入戶枝輕煙飛不着獨鶴步何遲意

得人皆靜元來已不知曲終三歎息爲說昔尋師

前民生日得四首

記宿金山夜與君商讀書三春看漸好千古意何如交
久無過敬心雄轉在虛鏡中勛業富茲日倍慙余

二

三十今過幾詩名孟浩齊道寧同我拙顏肯向誰低白
髮循資到青錢取次攜飲場行處好二月草萋萋

三

軫石生日前一句余
前一月軫石最長

次第逢初度淹留見古歡余將衰鬢滿君亦少年殘據

變雅堂詩集卷十

七

馬何時事聞雞此夜闌王郎頭更白相對且相寬

四

戚戚非年往於君矧壯夫貧猶珍彩筆少已事團蒲小
閣風雲峻長江日月鋪繇來心語密對酒澹如無

雨過于一紀所見兼慰之

冒雨過君早逢君冒雨歸旌旄行處梗薪水事全非莫
用中原法當慙老僕饑素琴還一弄靜卽主人威

從石塔寺過紫峰繫所有述

但覺鐘聲近來從石塔西荆扉敲暮雨短褐濺春泥孤

燭輕藏跋殘梅細下蹊南冠猶在眼不忍聽烏啼

諸子偶集同賦春晝

春空明且綠四座舉頭看遲日何由昃幽州也不寒琴
移花逕鼓籥試漢時冠卻笑山農誤臨風有所歎

二

天意憐非所風光似考槃異鄉今會樂去歲此時寒鶴
唳空城靜鶯來一路乾歸心畏芳草懶向醉中看

過朱園有懷麓翁先生舊址

亭角花含笑欣然訪故人乍驚歌板寂重覺別離新蝶

變雅堂詩集卷十

八

滿檀園草鶯窺柳閣春行藏三徑外相憶唱酬身

又聽王子琴時余將別去

杏花楊柳煙籬落倚歌船客意安三徑歸心折一絃天
青風孃孃頭白影娟娟來日遙相和中流起扣舷

又

已失招提路誰傳鐘磬聲多君臨水思深我入山情屈
子游偏遠江淹恨不平所聞今異昔感極道心生

新城書感示蔣子

客子無寒食荒郊駭哭聲看花詩不就如雨淚先傾妻

作他鄉櫬兒辭故國望良朋歌亦止知我此時情

春草

春草深三尺歸來歎轉蓬江河曾不返吾道本宜窮
忽訝蘭花發其如酒殘空正愁因作想差抵渡江風是早渡江

補遺

輓周忠烈大參

王事賢勞者生前總不羣名非重一死學豈著三軍魄
散天猶憫公媵姬聞難相率死之忠孤君未聞當事盡掩公以飾所私鬼神

變雅堂詩集補遺

九

終莫掩野史續遺文

晚泊黃州

赤壁雲初暝烏林日漸紅波搖兩岸火人語隔江風
夢鶴侵蝴蝶燃犀逼水宮天寒遊子意清夜月明中

送王孫茂之廣陵于一子也

燥石燎原劫火屯何人剝啄響柴門慙懃喚我聲猶昔
臥起看兒眼倍昏故里有樓歌帝子殊方無地飯王孫
橫經家學傳三百只恐蒿蕘漬淚痕

滿庭芳

頌金長眞明府晉秋

公不慚卿羣還肖紀天倫人爵雙收珥貂七葉家世本
封侯況用文章鵲起豐祖德自裕孫謀除書下充閭同
慶佳氣滿揚州 昇州諸父老歡聲雷動想像風流有
珠明掌上玉立峰頭五馬先聲載道誇新秩復帶驂駟
騰而上文孫才子如駕八龍遊

右附詩餘一首

